

ЛЕНИН'Я

ВКП(б)-лэн УАССР-ысь Вавожской райононелэн но райсоветлэн органы

1940 аре
5 апреле
№ 22 (531)
8-тй арзэ потэ

Финансовый планэз дыраз быдэс'яно

Куиньметй сталинской пятлеткалэн планэныз пус'ем строительствоез азинлык быдэстон удьсын туж бадзым инты басьтэ со строительствоез дыраз но умой финансировать карон. Соиник народной хозяйствоез финансировать каронэз азылань умянтоплы партилэн 18 с'ездэз аслаз решениосаз нимыстыз саклык вис'яз.

Нош асьме районыстымы данакез партийной, советской но финансовой организациос партилэн 18 с'ездэзлэсь решениосэ та ласянь кулэз'я уг быдэс'яло на. Сое умой возьматэ таке факт, что асьме районамы туэ аре коньдон тырон'ёс'я нырысетй кварталлэн тупатэм планэз 57,7 процент гинэ быдэстэмьин. Уката ик чидантэм урод минэ уж заемлы взнос октоя'я но сберкассаосы вклад'ёс тырон'я—план 58,7 процентлы гинэ быдэстэмьин.

Коньдон тырон'ёс'я планэз быдэс'ян понна покыче ответственностьсэс уг шдо Лыстемской, Вавожской, Карсинской но Н-Биинской сельсовет'ёслэн кивалт'ёссы. Соос калык пöльсь коньдон люканэз самотеке леземенызы, сюрс манет'ёсын лыд'яс'кись коньдонэз социалистической строительстволэн оборотаз лэзэнэз жегато. Тани, Лыстемской но Карсинской сельсовет'ёс туэ аре коньдон тырон'ёс'я нырысетй кварталлэсь планэз 34,7 процентлы, Вавожской сельсовет 41,7 процентлы, Н-Биинской сельсовет 47,4 процентлы с'яна оз быдэстэ. Коньдон огазеян ужын таос пöльсь куд-огез кылем арын но сыче ик урод указы.

Верам сельсовет'ёслэн государстволы коньдон тырон'я бере кылэнзылэн мугез со бордын луэ, что та сельсовет'ёсысь партийно-комсомольской но советской организациос коньдон ужез куштйзы финансовой орган'ёс вылэ гинэ, финансовой орган'ёслы мултэс оскыса, соослэсь ужезэс контролировать уг каро, соин сэрэн коньдон огазеян уж вань хозяйственно-политической уж'ёсты быдэс'янен герзамын овёл.

Финансовый планэз быдэстөнэн озы ик гызмыльтыса ужало Ср-Волковской но Б-

Можгинской сельсовет'ёслэн кивалт'ёссы. Соос нырысетй кварталын коньдон люкан планэз 43,6—46,4 процентозы гинэ оз быдэстэ.

Тани чош ик финансовой ужысь вераны кулэ азымыл'ёсь сельсовет'ёсты но. Коньдон огазеян ласянь районямы нырысь инты басьто Брызгаловской но К-Ключинской сельсовет'ёс. Соос нырысетй кварталын коньдон люкан планэз 72—73,6 процентозы быдэстйзы.

Ма бордын мугез та сельсовет'ёслэн азинлыко ужамзылэн? Мугэз утчаны кыдэке ик мыноно уг луы. Брызгаловской сельсоветлэн ужамез бордысь со туж умой адске. Татын сельской советлэн исполкомезлэн председателез Юрий эш коньдон огазеян ужез нуналмысь кивалтэ. Коньдон огазеян озы ик бадзым саклык вис'я К-Ключинской сельсоветлэн исполкомезлэн председателез Исупов эш но.

Государстволы коньдон тырон'ёс'я планэз быдэс'ян удьсын куд-ог сельсовет'ёсын умой ужась налоговой агент'ёс вань. Тани, Брызгаловской сельсоветысь налоговой агент Банников колхозник'ёс пöлын мылэсь кыдысь валэктон уж нуыса ужа. Со туж ожит сельсоветын пуке. Аслэстыз ужан дырзэ колхоз'ёсын ортчятэ. Колхозник'ёслы но колхозницаослы финансовой планэз быдэстон сярсь валэктэ. Налоговой агент'ёс озы ик умой ужало К-Ключинской, Г-Пудгинской сельсовет'ёсын но. Сыче умой ужась налоговой агент'ёс районыстымы мукет сельсовет'ёсын но вань. Нош соослэн ужан опыты мукет'ёсызы налоговой агент'ёслы но финансовой активлы уг вöлмыт'ёскы.

Валаны кулэ, что государстволы коньдон тырон'ёсты кварталысь кварталэ дыраз быдэс'ян нимыстыз ик бадзым юрттэт сётоз вань народной хозяйствомес азыланьын эишо но кужмятоян удьсын. Со понна коньдон огазеян удьсысь одно ик быдтыны кулэ кампанейщинаез. Та важнейшой ужез нуналмысь кивалтоно луо вань финорган'ёс с'яна советской но партийной организациос но.

ЮГЫН ТУЛЫС КИЗЭН

Странанын тулыс бусы уж'ёс ялан паськытало. Союзлэн южной республикаысьтыз колхоз'ёс 20 март азелы валэс культураосты кизизы

953,1 сюрс гектар вылэ. Кизыны кутскизы Дагестан, Кабардино-Балкария но Краснодарской край.

(ТАСС).

Союзлэн Советэзлэн но Национальност'ёслэн Советсылэн 29 мартэ 1940 арын огазын ортчем заседанизы сярсь ИНФОРМАЦИОННОЙ ИВОРТОН

29 мартэ, 7 часын жытазе, СССР-лэн Верховной Советэзлэн заседаниос ортчят'ян залаз, Кремльын, Союзлэн Советэзлэн но Национальност'ёслэн Советсылэн нырысетй огазын заседанизы орчыз. Председательствовать каре—Союзлэн Советэзлэн Председателез депутат А. А. Андреев.

Заседаниез усьтэмлэсь азылэ А. А. Андреев эшлэн чектэмез'я СССР-лэн Верховной Советэз султыса буревиз Красной Армилясь белофинн'ёслы пумит бойёсын бырыны шедем боец'ёссэ, куд'ёсыз асьсэлэсь улонзэс сётйзы ас родиназылы безопасность кылдытон уж понна.

Собере СССР-лэн Верховной Советэз эскерыны кутске Сессилэн нуналэзлэн порядокезлэсь нырысетй пунктэ.

Правительстволэн внешней политикаез сярсь докладэн выступить кариз СССР-лэн Народной Комиссар'ёсызлэн Советсылэн Председателез но Иностранной Уж'ёс'я Народной Комиссар В. М. Молотов эш.

Молотов эшлэн докладэз бырем бере депутат М. Д. Багиров таке чектон сётэ: СССР-лэн Правительствоезлэн внешней политикаез тырмыт ясной но последовательной луэмен валче—СССР-лэн Народной Комиссар'ёсызлэн Советсылэн председателезлэн но Иностранной Уж'ёс'я Народной Комиссарлэн Молотов эшлэн докладэз'я прениос усьтоно овёл. СССР-лэн Верховной Советэз та чектонэз огкылысь кутэ.

Собере, депутат Багиров-лэн чектэмез'я, СССР-лэн Верховной Советэз, палатаос'я люкиськыса голосовать кариса, огкылысь таке постановление кутэ:

„Советской Социалистической Республикаослэн Союзылэн Верховной Советэз, СССР-лэн Народной Комиссар'ёсызлэн Советсылэн Председателезлэсь но Иностранной Уж'ёс'я Народной Комиссарлэсь Вячеслав Михайлович Молотов эшлэсь Правительстволэн внешней политикаез сярсь докладэз кылэсь, пунктэ:

Правительстволэсь внешней политикаез одобрить кироно“.

Тани Союзлэн Советэзлэн но Национальност'ёслэн Советсылэн нырысетй огазын заседанизы ворсаське.

Кык пöртэмесь колхоз'ёс

Лыстемской сельсоветысь „Герой“ колхоз тулыс ю кизён азелы кужмо дасяське. Колхозлэн кивалт'ёссыз сюлмазько ужез звеноос'я организовать карон сярсь. Али колхозлэн звеноосыз мылэсь кыдысь ужало выль, узыр урожаез басьтон понна нюр'ясыкон бордын Нырысетй номеро ефремовской звено 700 воз кыед поттйз, 4 центнер тылобурдо кыед, 10 центнер пень но 60 центнер минеральной удобренности дасяз Сельхозинвентарь ваньмыз ремонтировать каремын, кидыс кысътэмын тырмымон но вылй качество. Звеньеводка Софронова эш вискарятэк колхозник'ёс пöлын агротехникаез изучать карон ортчят'я.

Колхозлэн ужаз бадзым юрттэт сётэ бордгазет. Ю кизён азелы дасяськонлы сйзымса 4 номер газет поттэмын. Редколлегилэн инициативаз'я ортчятэмын вал рейд, кудйз шараяз кизёнлы дасяськонлысь тырмытэосты и сыче урод уж'ёс жоген быдтэмын луизы.

Тырмытэосты чик жегатскытэк быдтоно

Б-Можгинской сельсоветысь „Удмурт“ колхоз кидыс шертозэ кемалась йылпум'яз ни. Кидыслэн потонлыкез озы ик эскеремын ни. Татын 1100 воз кыед поттэмын. Тулыс кизёнлы дасяськон'я но кизёнэз умой но дыраз орчятон'я „Удмурт“ колхоз „Актив бедноты“ колхозэз социалистической соревнование овёл. Та колхоз'ёсын ефремовской звеноос кылдытэмын, куд'ёсыз али передовой ефремовской агротехникаез изучать каро.

Тани чош ик „Удмурт“ колхозын тырмытэос вань на. Сельскохозяйственной инвентарез ремонтировать карон быдэстэмьин овёл на. Минеральной удобрение 14,5 тонна интые, 3,5 тонна гинэ ваемин. В. Бурашев.

Азымыл'ёсь кандидатской группа

Партилэн 18 с'ездэз хозяйственной орган зачиослэн ужзы понна первичной партийной организациослэсь, соин чош ик котькудйзлэсь коммунистлэсь ответственностьсэс уката ик вылэ жултйз.

С'ездэз но ВКП(б)-лэн ЦК-езлэн указанносиньны кивалт'ёскыса К-Ключинской сельсоветысь „Горд Октябрь“ колхозысь партийно-кандидатской группа уно уж лэсьтйз ни колхозной хозяйствоез юнматон бордын. Со партийно-политической уж'ёсты колхозно-хозяйственной уж'ёсын герзаса ужа. Нуналмысь юрттэ колхозлэн правлениезы колхозлэсь текущей задачаосэ разрешать карыны.

Али партийно-кандидатской группа нуналмысь юрттэ колхозлы тулыс ю кизён азелы дасяськон ужын. Озы ик паськыт политико-массовой ужнуэ колхозник'ёс но колхозницаос пöлын ефремовской звеноосты кылдытон ласянь.

Массово — политической уж нуонын юрттэт сётйны понна партийно-кандидатской группа звеноосы коммунист'ёсты юнматйз. Со азыланьы но выль вормон'ёс басьтыны понна кужмо нюр'яське. П.

Заочник'ёсын кивалтонэз умятоно

Удмуртской АССР-лэн Наркомземаз колхозной актив'ёслы заочной курс'ёс усьтэмын. Программа тупатэмын животноводческой фермаосын ужасьёслы, конюх'ёслы, дояркаослы, озы ик полевод'ёслы бригадир'ёслы но звеноосын кивалт'ёссы.

Районамы колхозник'ёслэн заочной обучениенызы кивалтон чидантэм урод пунктэмын. Та ужез кивалтыны кулэ вал райзолэн колхозной активлэн заочной обучениез'я инспекторез, но жаласа верано луэ, что райзолэн та должностяз одйг ар куспын 3 мурт ужаз, соос даже заочник'ёслы литератураез гинэ но лэзьяны оз быгатэ. Заочник'ёслы вис'ям литератураез чем дыр'я адзыны

луоз агрокабинетсысь, живсекторысь, бухгалтерийсысь, секретарьлэн жöкыстыз но еще мукет интыосысь.

Наркомземлэн приказэз'я заочной обучениез орчятонлэн ответственностез райзолэн заведующийезлы но зоотехниклы усе, нош та приказэз поттэм дыр'ясы дыр кык толэзьёс ортчиз ни, озы ке но уж чик уг умяо. Райзолысь ужасьёс колхоз'ёсын договор лэсьтйзы, бичазы соослэсь 1050 манет коньдон но тани буйгатскизы.

Колхозник'ёс райзолэсь витэ литература но сое изучать карыны юрттэт, соин ик заочник'ёсын кивалтонэз кулэз'я пунктэно.

Тюриков.

